



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ

ՎԵՐԼՈՒԾԱԿԱՆ ՏԵՂԵԿԱՆՔ

«Միջազգային էներգետիկ կորպորացիա» ՓԲԸ-ի կողմից 2019 թվականի 2-րդ եռամսյակում 5-ՏՈՒՔ-2019-ՄՅԿ ծածկագրով իրականացված «Հսկող և չափող սարքավորումների՝ էլ. հաշվիչի, կենտրոնի, մեգաձախափի, մանրաչափի, տեստերի, ջերմացույցի մատակարարման» բաց միափուլ մրցույթի մոնիթորինգի արդյունքների վերաբերյալ

ԵՐԵՎԱՆ 2019

«Միջազգային էներգետիկ կորպորացիա» ՓԲԸ-ի գնումների առանձին գործարքների մոնիթորինգի արդյունքները

Մոնիթորինգի իրականացման հիմքը՝ ՀՀ հանրային ծառայությունները կարգավորող հանձնաժողովի (այսուհետ՝ Հանձնաժողով) 2014 թվականի հունիսի 25-ի №207Ա որոշմամբ (այսուհետ՝ Որոշում №1) հանրային կազմակերպությունների գնումների կարգերի նկատմամբ սահմանված լրացուցիչ պահանջների կատարման մոնիթորինգի կարգ:

Մոնիթորինգի օբյեկտը՝ «Միջազգային էներգետիկ կորպորացիա» ՓԲԸ (այսուհետ՝ Ընկերություն):

Մոնիթորինգի առարկան՝ Ընկերության կողմից 2019 թվականի 2-րդ եռամսյակի ընթացքում իրականացված գնումների առանձին գործարքներ:

Մոնիթորինգի նպատակը՝ Ընկերության կողմից կատարված գնումների առանձին գործարքների արդյունավետության ուսումնասիրություն և համապատասխանության գնահատում Հանձնաժողովի 2017 թվականի սեպտեմբերի 13-ի №391Ա որոշմամբ (այսուհետ՝ Որոշում №2) սահմանված լրացուցիչ պահանջներին:

Մոնիթորինգի իրականացման ժամկետը՝ 2019 թվականի սեպտեմբերի 9-ից մինչև 2019 թվականի սեպտեմբերի 12-ը:

Մոնիթորինգի մեթոդաբանությունը՝ Ընկերության գնումների առանձին գործարքների մոնիթորինգն իրականացվել է ընկերության կողմից մինչև գնման հայտարարությունն իրականացված շուկայի ուսումնասիրության, գործարքի համար կիրառվող գնման մեթոդի ընտրության, մրցութային փաստաթղթերի և մատակարարի ընտրության ընթացակարգի մոնիթորինգի միջոցով:

«Միջազգային էներգետիկ կորպորացիա» ՓԲԸ-ի կողմից 2019 թվականի 2-րդ եռամսյակում 5-ՏՈՒՐ-2019-ՄՅԿ ծածկագրով իրականացված «Հսկող և չափող սարքավորումների՝ էլ. հաշվիչի, կենտրոնի, մեգօմաչափի, մանրաչափի, տեստերի, ջերմացույցի մատակարարման» բաց միափուլ մրցույթ

Ընկերության 2019 թվականի գնումների պլանի հիման վրա, գլխավոր տնօրենի 2019 թվականի մարտի 6-ի №50 հրամանի համաձայն, Ընկերությունը կազմակերպել և անցկացրել է առանց նախնական որակավորման բաց միափուլ մրցույթ հսկող և չափող սարքավորումների՝ էլ.հաշվիչի, կենտրոնի, մեգօմաչափի, մանրաչափի, տեստերի, ջերմացույցի մատակարարման պայմանագրի կնքման իրավունքով, հայտերի ներկայացման վերջնաժամկետ սահմանելով 2019 թվականի ապրիլի 15-ը:

Մրցույթի անցկացման նպատակով 2019 թվականի մարտի 6-ին Ընկերությունն իր պաշտոնական կայքում և «Գնումների մասին» օրենքով նախատեսված հրատարակման ենթակա տեղեկատվության հրապարակման նպատակով գործող ինտերնետային կայքում՝ www.procurement.am (էլեկտրոնային տեղեկագիր), հրապարակել է միայն մրցույթի կազմակերպման մասին հայտարարությունը, իսկ հրավերը, ոչ ամբողջական, հրապարակել է միայն էլեկտրոնային տեղեկագրում:

Մրցույթի հայտարարումից հետո հայտ են ներկայացրել երկու մասնակից՝ «Կոնսամ» ՍՊԸ-ն և «Ինդաստրիալ կոմպոնենթս» ՍՊԸ-ն, որոնց մրցութային հայտերը հանձնաժողովի կողմից համարվել են ըստ էության մրցութային պայմաններին բավարար:

Մասնակիցների ներկայացրած գնային առաջարկները բերված են ստորև.

| № | Ընկերության անվանում | Ներկայացված գնային առաջարկները մլն դրամ, ներառյալ ԱԱՀ |
|---|-----------------------------|---|
| | 1 | 2 |
| 1 | «Կոնսամ» ՍՊԸ | 7,095 |
| 2 | «Ինդաստրիալ կոմպոնենթս» ՍՊԸ | 7,115 |

Ընկերության 2019 թվականի ապրիլի 19-ի նիստի №22 արձանագրությամբ 5-ՏՈՒՐ-2019-ՄՅԿ ծածկագրով իրականացված «Հսկող և չափող սարքավորումների՝

էլ. հաշվիչի, կենտրոնի, մեգօմաչափի, մանրաչափի, տեստերի, ջերմացույցի մատակարարման» բաց միափուլ մրցույթում հաղթող է ճանաչվել «Կոնսամ» ՍՊԸ-ն՝ հայտի գինը 7,095 մլն ՀՀ դրամ՝ ներառյալ ԱԱՀ-ն: Հաղթողի ընտրությունը կատարվել է հաղթողի ընտրության գնահատման աղյուսակի հիման վրա՝ չորս չափանիշներով՝ ընդհանուր արժեք, տեխնիկական համապատասխանություն, վճարման պայմաններ, մասնակցի հուսալիություն:

Ընկերության և «Կոնսամ» ՍՊԸ-ի միջև 2019 թվականի ապրիլի 22-ին կնքվել է մատակարարման №ԳՆԱ-007 պայմանագիր՝ 7,095 մլն դրամ՝ ներառյալ ԱԱՀ-ն, արժեքով: Պայմանագրի համաձայն՝ ապրանքների մատակարարման ժամկետը 90 աշխատանքային օր է՝ սկսած պայմանագրի կնքման օրվանից:

5-ՏՊԻՐ-2019-ՄՅԿ ծածկագրով իրականացված «Հսկող և չափող սարքավորումների՝ էլ. հաշվիչի, կենտրոնի, մեգօմաչափի, մանրաչափի, տեստերի, ջերմացույցի մատակարարման» բաց միափուլ մրցույթի փաստաթղթերի ուսումնասիրության արդյունքում հարկ է փաստել, որ.

1. Ընկերության պաշտոնական կայքում և էլեկտրոնային տեղեկագրում 2019 թվականի մարտի 6-ին տեղադրվել է միայն մրցույթի կազմակերպման մասին հայտարարությունը, իսկ հրավերը, ոչ ամբողջական, հրապարակվել է միայն էլեկտրոնային տեղեկագրում: Կնքված պայմանագրի մասին հայտարարությունը հրապարակված է միայն Ընկերության պաշտոնական կայքում, իսկ էլեկտրոնային տեղեկագրում հրապարակված չէ: Միևնույն ժամանակ, Ընկերության պաշտոնական կայքում կնքված պայմանագրի մասին հրապարակված հայտարարությունը չի ներառում մասնակիցների ներկայացրած գնային առաջարկների, պայմանագրի կնքման ամսաթվի և գնի մասին տեղեկատվություն: Նշվածը կարող է հանդիսանալ Հանձնաժողովի Որոշում №2-ի 4-րդ կետի 1-ին և 2-րդ ենթակետերով և 14-րդ կետով սահմանված պահանջների հնարավոր խախտում:
2. «Միջազգային էներգետիկ կորպորացիա» ՓԲԸ-ի կողմից Հանձնաժողով ներկայացված փաստաթղթերի համաձայն՝ գնման ընթացակարգի

փաստաթղթերը և գնման առարկայի տեխնիկական բնութագրերը կազմվել են պատշաճ մակարդակով:

3. Ընկերությունը մրցութային փաստաթղթերում ներկայացրել է նաև շուկայի ուսումնասիրության արդյունքներ: Հարկ է նշել, որ շուկայի ուսումնասիրության ժամկետի բացակայությունը խոչընդոտում է Որոշում N°2-ի 13-րդ կետով սահմանված պահանջին համապատասխանության գնահատմանը:
4. Հաղթող է ճանաչվել հրավերի պահանջները բավարարող, գնային տեսանկյունից առավել ընդունելի առաջարկ ներկայացրած մասնակիցը:
5. Պայմանագրով սահմանվել է վճարման ողջամիտ ժամկետ:

Նշված թերությունների համատեքստում հարկ է նշել, որ գնումների գործընթացի թերի կազմակերպման արդյունքում շուկայականից բարձր գներով ձեռք բերված ապրանքների կամ աշխատանքների արժեքները (շուկայական գները գերազանցող չափով) հաշվի չեն առնվի Ընկերության սակագներում:



**ԱՊՐԱՆՔՆԵՐԻ ԵՎ/ԿԱՄ ԾԱՌԱՅՈՒԹՅՈՒՆՆԵՐԻ
ԳՆՄԱՆ ԳՈՐԾԸՆԹԱՑԻ ՍՏՈՒԳԱԹԵՐԹ**

| | |
|------------------------------|--|
| Ընկերության անվանումը | «Միջազգային էներգետիկ կորպորացիա» ՓԲԸ |
| Գնման անվանումը | «Հսկող և չափող սարքավորումների՝ էլ. հաշվիչի, կենտրոնի, մեգօմաչափի, մանրաչափի, տեստերի, ջերմացույցի մատակարարման» |
| Գնման ծածկագիրը | 5-ՏՊԽՐ-2019-ՄՅԿ |
| Գնման ձևը | բաց միափուլ մրցույթ |

ԲՈԼՈՐ ՓՈՒԼԵՐԸ

| | Ստուգաթերթի պայման | Ա | Ո | Զ/Ո | Մեկնաբանություններ |
|---|--|-------------------------------------|--------------------------|--------------------------|--------------------|
| 1 | Համարժեք և համապատասխան գրառումները պահպանվում են գնումների գործընթացի ողջ ընթացքում և մոնիթորինգ իրականացնելու համար բավարար տեղեկատվություն են պարունակում | <input checked="" type="checkbox"/> | <input type="checkbox"/> | <input type="checkbox"/> | |

ԳՆՄԱՆ ՊԼԱՆԱՎՈՐՈՒՄ

| | Ստուգաթերթի պայման | Ա | Ո | Զ/Ո | Մեկնաբանություններ |
|---|--|-------------------------------------|--------------------------|--------------------------|--------------------|
| 2 | Գնման հայտը հաստատել է կազմակերպության գործադիր մարմնի ղեկավարը կամ վերջինիս կողմից լիազորված անձը | <input checked="" type="checkbox"/> | <input type="checkbox"/> | <input type="checkbox"/> | |
| 3 | Գործարքի համար կիրառվող գնման մեթոդի ընտրությունը ճիշտ է կատարվել | <input checked="" type="checkbox"/> | <input type="checkbox"/> | <input type="checkbox"/> | |

| | Ստուգաթերթի պայման | Ա | Ո | Զ/Ո | Մեկնաբանություններ |
|---|--|--------------------------|-------------------------------------|-------------------------------------|---|
| 4 | Մինչև գնումների հրավերների հրապարակելն իրականացվել է համապատասխան շուկայի ուսումնասիրություն (փաստաթղթերը կցված են) | <input type="checkbox"/> | <input type="checkbox"/> | <input checked="" type="checkbox"/> | Ընկերությունը Հանձնաժողով ներկայացրած մրցութային փաթեթին կցել է երկու ընկերությունների շրջանակում իրականացրած գնային հարցումների արդյունքներն առանց հարցման ժամկետների նշման: |
| 5 | Գնման գործընթացի արդյունավետ իրականացման, ոչ մրցութային եղանակով գնումների ծավալի նվազեցման նպատակով՝ ընկերությունն իր վեբ կայքում և գնումների էլեկտրոնային տեղեկագրում հրապարակելուց բացի դիմել է արդյոք այլ միջոցների մասնակիցների շրջանակը ընդլայնելու և նրանց միջև մրցակցության խրախուսման համար | <input type="checkbox"/> | <input checked="" type="checkbox"/> | <input type="checkbox"/> | |

ԳՆՈՒՄՆԵՐԻ ՆԱԽԱՊԱՏՐԱՍՏՈՒՄ

| | Ստուգաթերթի պայման | Ա | Ո | Զ/Ո | Մեկնաբանություններ |
|---|---|-------------------------------------|-------------------------------------|-------------------------------------|--|
| 6 | Ապահովվել են հավասար մրցակցային պայմաններ հնարավոր մասնակիցների համար | <input type="checkbox"/> | <input type="checkbox"/> | <input checked="" type="checkbox"/> | Մրցութի հրավերով և գնման պայմանագրով ներկայացված գնման առարկաների անվանումների (առևտրային առաջարկ) միջև առկա տարբերությունը և մրցութային փաստաթղթերի տրամադրման գրավոր դիմումի պահանջը կարող էր խոչընդոտել հնարավոր մասնակիցների համար հավասար մրցակցային պայմանների ապահովմանը: |
| 7 | Գնման առարկայի բնութագիրը հանգեցնում է գնումների գործընթացում մրցակցության համար չհիմնավորված խոչընդոտների առաջացմանը | <input type="checkbox"/> | <input checked="" type="checkbox"/> | <input type="checkbox"/> | |
| 8 | Գնումն օբյեկտիվորեն հիմնավորված է և համարժեք է այն կարիքին, որի բավարարման նպատակով կատարվում է | <input checked="" type="checkbox"/> | <input type="checkbox"/> | <input type="checkbox"/> | |

| | | | | | |
|----|---|-------------------------------------|-------------------------------------|--------------------------|---|
| 9 | Մանրամասն ներկայացված են գնման ընթացակարգի փաստաթղթերը | <input checked="" type="checkbox"/> | <input type="checkbox"/> | <input type="checkbox"/> | |
| 10 | Պատշաճ ձևով ներկայացված են ապրանքների տեխնիկական բնութագրերը, իսկ աշխատանքների կամ ծառայությունների դեպքում՝ ամբողջական նկարագրությունը | <input type="checkbox"/> | <input checked="" type="checkbox"/> | <input type="checkbox"/> | Ընկերության կողմից Հանձնաժողով ներկայացված թղթային և հրապարակված փաստաթղթերում առկա է ձեռքբերման ապրանքների տարբերություն: Ի տարբերություն հրապարակված փաստաթղթերի՝ պայմանագրում երկու ապրանքատեսակ պակաս է ներառվել: |
| 11 | Ամբողջությամբ և հստակ նկարագրված են ապրանքի, աշխատանքի կամ ծառայության ձեռքբերման և վճարման պայմանները՝ բացառելով տարմեկնաբանությունը | <input checked="" type="checkbox"/> | <input type="checkbox"/> | <input type="checkbox"/> | |
| 12 | Գնման առարկայի հատկանիշները պահանջ կամ հղում են պարունակում որևէ առևտրային նշանի, ֆիրմային անվանման, արտոնագրի, էսքիզի կամ մոդելի, ծագման երկրի, կոնկրետ աղբյուրի կամ արտադրողի | <input type="checkbox"/> | <input checked="" type="checkbox"/> | <input type="checkbox"/> | |

ՊԱՅՄԱՆԱԳՐԻ ԿՆՔՈՒՄ

| | Ստուգաթերթի պայման | Ա | Ո | Զ/Ո | Մեկնաբանություններ |
|----|---|-------------------------------------|--------------------------|--------------------------|--------------------|
| 13 | Հայտերի գնահատման ընթացակարգը ընթացել է արդար և անկողմնակալ | <input checked="" type="checkbox"/> | <input type="checkbox"/> | <input type="checkbox"/> | |
| 14 | Պայմանագիր կնքելու մասին որոշումը պարունակում է ամփոփ տեղեկատվություն հայտերի գնահատման և ընտրված մասնակցի ընտրությունը հիմնավորող պատճառների մասին | <input checked="" type="checkbox"/> | <input type="checkbox"/> | <input type="checkbox"/> | |

| | Ստուգաթերթի պայման | Ա | Ո | Զ/Ո | Մեկնաբանություններ |
|----|---|-------------------------------------|--------------------------|-------------------------------------|--|
| 15 | Հայտերի գնահատման ժամանակ ապահովվել է հատուցում արժեքի դիմաց սկզբունքը | <input type="checkbox"/> | <input type="checkbox"/> | <input checked="" type="checkbox"/> | Ընկերության կողմից իրականացված շուկայի ուսումնասիրության արդյունքում նշված չէ ուսումնասիրության իրականացման ժամկետը: |
| 16 | Պայմանագրի գնի հաշվարկը ներառում է տվյալ գնման պայմանագրի կատարումն ապահովելու նպատակով կատարվելիք բոլոր վճարները (ծախսերը) | <input checked="" type="checkbox"/> | <input type="checkbox"/> | <input type="checkbox"/> | |

ՊԱՅՄԱՆԱԳՐԻ ԿԱՏԱՐՈՒՄ

| | Ստուգաթերթի պայման | Ա | Ո | Զ/Ո | Մեկնաբանություններ |
|----|---|-------------------------------------|--------------------------|-------------------------------------|-----------------------------------|
| 17 | Սահմանվել է վճարման ողջամիտ ժամկետ | <input checked="" type="checkbox"/> | <input type="checkbox"/> | <input type="checkbox"/> | |
| 18 | Գնման պայմանագիրը կատարվել է պատշաճ մակարդակով | <input type="checkbox"/> | <input type="checkbox"/> | <input checked="" type="checkbox"/> | Պայմանագիրը կատարման ընթացքում է: |
| 19 | Գնման առարկայի արժեքը համապատասխան է շուկայական արժեքին | <input type="checkbox"/> | <input type="checkbox"/> | <input checked="" type="checkbox"/> | |